




ԱՎԱՐՏԱԾԱՌԵՐԻ ԲԱՆԱՎՈՐ ՊԱՇՏՊԱՆՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Սեպտեմբերի 27-ին, երկուշաբթի օրը, առավոտյան ժամը 12-ին, հոգևոր ճեմարանի հանդիսությանց դահլիճում, Վեհափառ Հայրապետի բարձր նախագահությամբ, տեղի ունեցավ 1970—1971 ուսումնական տարեշրջանի հոգևոր ճեմարանի շրջանավարտ սարկավագների՝ Սեզար Գոնտրայանի, Ժիրայր Սիմոնյանի, Կտրիճ Ներսիսյանի, Արտաշես Մուշեղյանի և Տրդատ Ծամյանի ավարտաճառերի բանավոր պաշտպանությունը և վկայականների հանձնումը:

Սույն հանդեսին ներկա են լինում՝ ուխտավորաբար Մայր Աթոռում գտնվող տ. Տիրան արքեպ. Ներսիսյանը (ԱՄՆ) և պրոֆ. Հ. Ծ. Սիրունին (Բուխարեստ):

Հանդիսությանը ներկա են լինում նաև հոգևոր ճեմարանի ողջ դասախոսական կազմը, ուսանողությունը, Մայր Աթոռի միաբանությունն ու պաշտոնությունը և հյուրեր: Հոգևոր ճեմարանի 1970—1971 ուսումնա-

կան տարվա շրջանավարտ ուսանողների ավարտաճառերը քննող հանձնաժողովը, որի կազմում էին դասախոսներ Արթուր Հատիսյանը, Պարզև Ծախբազյանը, Սամվել Անթույանը և Գրիգոր Գյուլյանը, առանձին-առանձին մանրամասնորեն ծանոթացել էին ներկայացված ավարտաճառերի հետ և սույն թվականի սեպտեմբերի 25-ին, շաբաթ օրը, հոգևոր ճեմարանի տեսուչ տ. Հովհաննես քհն. Մարությանի նախագահությամբ գու-

մարված հանձնաժողովի նիստում տվել էին իրենց գնահատականը և արել դիտողություններ:

Յուրաքանչյուր դիպլոմային աշխատանքի արժանիքների և թերությունների մասին ըստ պատշաճի ներկայացնում է քննող հանձնաժողովի համապատասխան մասնագիտության դասախոսը:

Այնուհետև խոսք է տրվում շրջանավարտ սարկավագներին, որոնցից յուրաքանչյուրը սեղմ գծերով ներկայացնում է իր կատարած աշխատանքը և պատասխանում հանձնաժողովի անդամների և ներկաների հարցերին:

Սեզար սրկ. Գոնտրայանի ավարտաճառի նյութն է «5—11-րդ դարերի աղանդավորությունը ըստ հայ պատմագիրների», որը բաղկացած է առաջաբանից և հինգ գլուխներից, 70 մեքենագրված էջ ծավալով:

Ավարտաճառը գնահատվում է «գերազանց»:

Ժիրայր սրկ. Սիմոնյանի ավարտաճառի նյութն է «Գրապաշարը», որ շոշափվում է անցյալ դարի երկրորդ կեսին մեր ժողովրդի արևելահայ և արևմտահայ հատվածներում աշխարհաբար լեզվի պաշարը գրաբարի դեմ: Ծարադրանքը բաղկացած է առաջաբանից և յոթ գլուխներից, 43 մեքենագրված էջ ծավալով:

Ավարտաճառը գնահատվում է «գերազանց»:

Կտրիճ արկ. Ներսիսյանի ավարտաճառի նյութն է «Եղիշե արքեպ. Դուրյանի կյանքը և գործունեությունը», որը բաղկացած է առաջաբանից և վեց գլուխներից, 48 մեքենագրված էջ ծավալով:

Ավարտաճառը գնահատվում է «գերազանց»:

Արտաշես արկ. Մուշեղյանի ավարտաճառի նյութն է «Հայ տոմարագիտության պատմությունը և Սիմեոն Երևանցու տոմարագիտական գործունեությունը», որը բաղկացած է առաջաբանից և չորս գլուխներից, 78 մեքենագրված էջ ծավալով:

Ավարտաճառը գնահատվում է «գերազանց»:

Տրդատ արկ. Ծամյանի ավարտաճառի նյութն է «Սուրբ Սարգիս Ծնորհալի» («Գիրք մեկնությունների եռյակի թղթոցն կաթողիկեից»), որը բաղկացած է առաջաբանից և երեք գլուխներից, 52 մեքենագրված էջ ծավալով:

Ավարտաճառը գնահատվում է «լավ»:

Ապա հոգևոր անմարանի տեսուչ տ. Հով-

հաննես քհն. Մարությանը ամփոփում է ավարտաճառների գրավոր և բանավոր պաշտպանության արդյունքները և խնդրում Վեհափառ Հայրապետին՝ տալ իր օրհնությունը և հանձնել դիպլոմները:

Բարեշնորհ շրջանավարտ սարկավագները հերթով համբարում են Վեհափառ Հայրապետի աջը և ծափահարությունների ներքո ստանում իրենց դիպլոմները:

Վերջում խոսք է առնում Վեհափառ Հայրապետը և տալիս իր հայրական հորդորներն ու խրատները, շնորհավորում նրանց և այս ուրախ առիթով յուրաքանչյուրին նվիրում մեկական ժամացույց, որպեսզի նրանք գիտենան հարգել ժամանակը:

Սույն երջանիկ առիթով բարեշնորհ սարկավագներին շնորհավորում է նաև «Էջմիածին» ամսագրի խմբագրությունը, ցանկանում, որ նրանք դառնան հայ առաքելական եկեղեցու սպասավորներ, մեր ժողովրդի հոգեվոր ծառայության նվիրված արժանավոր մշակներ և այսուհետև ևս շարունակեն իրենց պրպտումները հայ մշակույթի անդաստանում:

